

COMUNU DE USEDDUS

Provìntzia de Aristanis

DELÌBERA DE SA GIUNTA COMUNALI

Numeru 9 de su 23/02/2007

OGETU : Esamini e arricimentu pregonta Universidadi de is Istùdius de Casteddu dereta a su tirocìniu obrigatoriu po is allievus AA.SS. e aprovatzioni cunventzioni.

S'annu duamìlaseti sa dì bintitres de su mesi de friarxiu, a s'ora de sa una de mangianu , in custa domu comunali, cunvocada informalmenti, s'est atobiada a pari sa Giunta Comunali cun sa presentzia de is Sannoris :

ATZEI ADRIANO	SÌNDIGU	A
ATZORI FELICE	VICESÌNDIGU	P
SERRA MONICA	ASSESSORI	P
ERBI' CESARE	ASSESSORI	P
ADDARI GIOVANNI	ASSESSORI	A

Inde risultant presentis n° 3 e ausentis n° 2.

Pigat sa presidèntzia ATZORI FELICE in calidadi de VICESÌNDIGU.

Partitzipat cun funtzionis consultivas, refèrentis, de assistentzia e verbalizatzioni (art.97, comma 4, de su D.Lgs. n°267/2000) sa Segretària SCALA dott.ssa MARIA BONARIA.

Su presidenti, atzertau su numeru legali, decrarat aberta sa chistioni de s'argòmentu in ogetu, regulàrmenti iscritu in s'ordini de sa dì, e invitat is benius a pari a deliberai asuba s'argòmentu ingitau in s'ogetu, ponendi innantis ca, asuba sa pròposta de custa decraratzioni, anti nau ca giai:

su Responsàbili de su serbìtziu interèssau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

SA GIUNTA COMUNALI

BIDA sa nota de s'Universitàdi de is Istùdius de Casteddu de su 11.01.2007 chi pediat sa disponibilitadi de custu Comunu a arrici una picioa chi istùdiat de su Cursu de Laurea in Serbìtziu Sotziàli po su sboddiamentu de su tirocìniu prividiu cun obrigu in su planu de istùdius;

CUNSIDERAU ca custu tirocìniu prividit una durada de giai 4 mesis po in totu 250 oras de ddas sboddiai ne is primus tres diis de sa cida;

TENTU CONTU ca su matessi cumportat sa castiada manna e dereta dae parti de s'Assistenti Sotziàli de custu Comunu chi at mostau sa propria disponibilitadi po custu;

CUNSIDERAU ca tali oportunitadi si figurat a pari cumentu a un momentu po s'ammaniai e s'arricai no sceti po su tirocìnanti, ma puru po s'Assistenti Sotziàli;

BIDA sa proposta de su Responsàbili de su Serbìtziu Amministrativu e coberau su nai ca giai;

Cun votazioni fata totus in pari

DELÌBERAT

DE mostai formali disponibilitadi a traballai in pari cun s'Universitàdi de is Istùdius de Casteddu, po poidit fai su sboddiamentu de su tirocìniu a un'allieva de su Cursu de Istùdius in Laurea de Serbìtziu Sotziàli;

DE pigai atu ca custu tirocìniu at cumportai sa castiada manna e dereta de s'Assistenti Sotziàli a sa cali at essi reconnota sa prus manna autonomia po su chi ddu at essi, po s'aspetu organizzativu e ateru...;

DE pigai atu ca sa durada de su tirocìniu e de giai 250 oras, pretzidas in un tempus de giai cuatru mesi;

DE donai in possa a su Responsàbili de su Serbìtziu Amministrativu su mandai a innantis sa protzedura dereta a s'aprovatzioni de su schema de cunventzioni;

BIU S'ACOITU, cun votazioni fata a parti, totus in pari, benit decrarada sa presenti luegu eseguibili segundu s'art.134, c 4 de su D.Lgs 18/08/2000 n°267.

Custu Verbali benit firmau cumentu sighit:

Su Sìndigu at firmau
(*ATZORI FELICE*)

Sa Segretària at firmau
(*SCALA Dott.ssa MARIA BONARIA*)

Su sutoscritu, bius is atus d'ufitziu
Reg.n°121

ATESTAT

Ca custa delibera est steta apicada a s'Albu Pretoriu Comunali sa dì 13.03 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali, innia 13.03.2007

Sa Segretària Comunali at firmau
(*SCALA Dott.ssa MARIA BONARIA*)

Su sutoscritu, bius is atus d'Ufitziu

ATESTAT

Custa delibera est diventata esecutiva su..... segundu s'art.....
De su T.U. 267/2000

De sa Residèntzia Comunali, innia

Sa Segretària Comunali
(*SCALA Dott.ssa MARIA BONARIA*)

De potai a:

- s'Ufitziu Tènicu
- s'Ufitziu Amministrativu
- s'Ufitziu Contabili
- s'Ufitziu Vigilanza
- s'Ufitziu Serbìtziu Sotziali
-
-
- R.A.S.

De sa Residèntzia Comunali, innia

Sa Segretària Comunali at firmau
(*SCALA Dott.ssa MARIA BONARIA*)